



Kamis, 23 Desember 2021

**Ogen: Jesaya 40:9-11**



**Momoken Berita si Mehuli**



Advent 4 nuriken kerna persikapennta ngalo ngalo ketubuhen Tuhan Jesus si jadi Raja pagi i doni ras i surga. Raja si merentah alu bujur ras adil. IA pagi si maba perdamen man kerina doni enda. Raja raja i doni paksa si e la nandai Dibata, I bahanna sembah-sembahenna si akapna banci maba kemenangen man bana. Ibahanna mezbah ingan-ingan nembah man berhala-berhala. ipindona penampat man berhala-berhala si la ngena ate Dibata. Kerajan Jehuda paksa si e ijajah bangsa Asyur, ras bangsa-bangsa sideban.

Ngidah perbahanen si bage kalak Israel iukum Dibata, ipediatna bangsa Asyur, Mesir ras Babel njajah bangsa Israel. Dem kiniseran man bangsa e, dem perbeben erkiteken itindes bangsa-bangsa si megegeh i sekelewetna. I bas perbeben si inanamina e, dungna mekuah ate Tuhan. Dungna, Tuhan nggit nampati bangsaNa si enggo terpuruk. IutusNa me sekalak raja si ngsup ngubahken kiniseran bangsa. Raja e igelari imanuel, ertina Dibata ras kita. Kerehen Raja e me si perlu imomoken. Labo bias nabi Jesaya si ermomo, labo bias Johannes peridiken si ermomo, tapi kerina rakyat. Momo e sekaligus jadi pengharapen.

Dibatandu enggo reh. Enda si man momonken. Dibata i bas diri Jesus Kritis si jadi Raja. Ia me singuasai doni enda terlebih nguasai perukurennta. Jadi ermomo labo terjeng sora si megang, tapi perbahanen si nuduhken kita ikuasai Kristus. Ermomo, nuduhken perbahanen si ersembah man Tuhan. I bas teptep erdahin ersembah, i bas jabu ersembah, i bas kegeluhenta kerina ersembah.

Nikapken diri i bas ngalo-ngalo kerehen raja e, sekligus nggit berubah, nggit mpekena diri. Berita si mehuli e isina Kristus jadi Raja ras Juruslamat. Si beritaken kerna Kristus e, arah sikap geluhenta si teptep wari.

*Jesus Raja, gundari seh rasa lalap.*



*[The main body of the page is a large, blank white area with a wavy top edge, intended for writing.]*